



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. V. An justitia originalis, quæ Adamo in statu innocentia, pro ipso & ejus posteris fuit collata, esset habitus realiter distinctus à gratia sanctificante?

[urn:nbn:de:hbz:466:1-77146](#)

ARTICULUS V.

de iustitia originalis, que Adamo in statu innocentie, pro ipso & eius posteris fuit collata, effi habitus realiter distinctus à gratia sanctificante?

A Firmante aliqui ex nostris Thomistis cum Cajetano 1. p. quæst. 95. art. 1. Alij negant cum Soto lib. 1. de natura & gratia cap. 5. & Medina 1. 2. quæst. 83. art. 2. Suarez vero lib. 3. de hominis creatione cap. 20. & alij Recentiores existimant iustitiam originalem non fuisse unum aliquem habitum, sed multorum habituum complexiōnem, quibus omnes hominis vires & facultates tam in ordine ad finem naturalem, quam supernaturalem, perficiebantur. Pro resoluōne huius difficultatis,

Diligenter observandum est, iustitiam originalem posse sumi dupliciter, vel ad æquatè, ut includebat omnes eas perfectiones, dona & privilegia, que ad Adamo in statu innocentia pro ipso & eis posteris collata sunt; vel inadæquatè, pro ea dūtata perfectiōne, qua erat primaria & principalis, & veluti radix & origo ceterarum. Hoc præmissō:

Dico primum: Iustitia originalis, adæquate sumptuosa, non erat una simplex qualitas vel habitus, sed plurium donorum & habituum aggregatio.

Hac conclusio manifesta est: Non poterat enim unus & idem habitus tam diversas inter se corporis & animi facultates regere, aut in subjectam diuersitib⁹ residere. Ergo iustitia originalis adæquate sumpta, includebat plures habitus perficiētes omnes partes hominis, omnielque ejus facultates & potentias, tam in ordine ad finem naturalem, quam in ordine ad supernaturale. Unde si hoc solūm intendant Suarez & alij Recentiores, à veritate quidem non ibeſtrant, sed punctum difficultatis non attinunt, præfensi enim contrōversia non procedit de iustitia originali hoc modo considerata, sed de illa secundo modo spectata: de qua

Dico secundum: Iustitia originalis secundum perfectionem primariam quam ponebat in anima, & qua erat radix & origo ceterarum, erat unus simplex habitus, nimirum gratia sanctificans, quæ licet esset ejusdem speciei cum nostra, habebat tamen diversum modum informantib⁹ ab eo quem habet nunc, ratione cujus erat origo multarum perfectionum, qua modo ex ea non pullulare.

Ita docent Carmelitæ Salmantenses in Tractatu de peccatis disp. 16. dub. 1. num. 7. Et hanc esse propriā mentem D. Thomas constat ex 1. p. quæst. 95. art. 1. ad calcem corporis articuli, ubi sic ait: *Per gratiam in anima existentem, infusores subdebandunt, scilicet Adamo in statu innocentia: At subdebandunt per iustitiam originalem: Ergo haec erat habitus gratia. Itē in quæst. 97. art. 1. ad 3d. dicit primum hominem per pœnitentiam recuperare gratiam, ad remissionem ipsa, non tamen ad amissiōne immortalitatis effectum: Sed immortalitatis effectus erat à iustitia originali: Ergo sentit gratiam sanctificantem huius idem cum originali iustitia. Præterea quod pueri nati suissent in originali iustitia, etiam nati*

Tom. II.

A suissent in gratia: Sed hæc illatio non esset bona, si iustitia originalis fuisset habitus realiter & entitative à gratia distinctus, potuisset enim ab illa separari? Ergo, &c. Demum idem S. Doctor 1. 2. quæst. 83. art. 2. ad 2. Orig. nali iustitia pertinebat primordialiter ad essentiam antiquam, erat enim donum divinitatis datum humanae nature, quam per prius respicit essentia animæ quam eius potentie. At sola gratia sanctificans residet in essentia animæ, virtutes vero, dona, & alij habitus infusi sunt in ejus potentie, ut docetur in Tractatu de gratia, & colligitur ex eodem Angelico Doctore 1. 2. quæst. 129. art. 4. Ergo iustitia originalis in primis parentibus, quantum ad primarium ejus effectum, qui erat radix & origo ceterarum; non erat aliqua virtus, donum, vel habitus, à gratia sanctificante distinctus.

Ratio etiam id suadet: Nam ut docet D. Thomas 1. p. quæst. 100. art. 1. ad 2. iustitia originalis subiectebat animam Deo, non solūm ut authori naturæ, sed etiam ut authori & fini supernaturali, hæcque erat primaria ejus perfectio, ex qua omnes alij dependebant: At subjectio ad Deum, ut authorem & finem supernaturalem, est à gratia sanctificante: Ergo in ea consistebat iustitia originalis, secundum perfectionem primariam quam ponebat in anima, qua erat radix & origo aliarum.

C Quod vero talis gratia, ut in primis parentibus erat originalis iustitia, haberet modum informantib⁹ subiectum, diversum ab eo quem nunca habet in iustis, manifestum est: nam gratia sanctificans, præcisè ex sua specie, non habet quod sit radix doni integratæ, & aliarum donum, quas iustitia originalis ponebat in primis parentibus; alias modò eadem dona & privilegia causaret in nobis: Ergo aliquid fuit illi superadditum, ut tales effectum praefaret, cumque hoc superadditum non potuerit esse alia forma specie vel numero distincta, debuit esse saltem aliud modus informantib⁹ ejusdem gratia; non quidem penes maiorem intensiōnem (intensior enim modo est in aliquibus iustis gratia sanctificans, quam fuisset in aliquibus hominibus in statu innocentia, si ille perseverasset, & tamen in illis non haberet rationem originalis iustitiae, sicut in istis) sed penes majus dominium gratia supra animam, majorum remque subordinationem istius ad illam, eo proportionali modo quo in patria, post resurrectionem, ex plenissimo dominio gratia supra animam redundabunt doles in corpus, quæ perfectissime illud anima subordinabunt & subdient; quo enim gratia magis dominatur mente, eō dat anima magis dominium supra corpus, illudque magis ei subdicit. Sicut ergo gratia capitalis & habitualis in Christo, & gratia habitualis & sacramentalis in nobis, distinguuntur modaliiter, ut plures existimant; ita gratia collata Adamo in statu innocentia, qua habebat rationem originalis iustitiae, & illa qua nobis in statu naturali lapse tribuitur distinctione modaliter inter se differunt.

E Ex quo intelliges quid velit D. Thomas in 2. dist. 32. quæst. 1. art. 2. ad 2. dum docet iustitiam originalem non habuisse quod excluderet rebellionem carnis ad spiritum, & corruptionem ac passibilitatem corporis, in quantu iustitia erat, seu ex ipsa essentia & specie gratia secundum se sumpta; Sed ratione cuiusdam accidentis annexi: hujusmodi enim accidens annexum, fuit procul dubio praedictus modus informantandi; qui

Tit. 2. idcirco

idcirco dictus est accidentalis justitiae, quia erat extra illius essentiam, & distinctus ab ea, sicut modus a re, non autem quia esse alia forma, entitate & specie diversa.

72. Intelliges etiam, quod sicut gratia status innocentiae, habebat peculiarem modum insinuandi subjectum, speciale dominum supra animam, quod non habet in statu naturae lapsus, ita etiam virtutes illius status, licet entitatib[us] & substantialiter essent ejusdem speciei cum nostris, habebant tamen quendam peculiarem modum dominandi appetiti, ita plenè & efficaciter, ut nullus quantumvis levissimus in eo motus preter ordinem rationis insinueret.

73. Obijcives primò contra secundam conclusiōnem: D. Thomas i. p. quest. 100. art. 1. ad 2. dicit subjectionem supernaturalem rationis ad Deum, quæ erat per gratiam gratum facientem, fuisse radicem originalis justitiae, in cuius rectitudine factus est homo: Ergo cum nihil possit esse radix sui ipsius, originalis justitiae, juxta Divum Thomam, erat habitus diversus à gratia sanctificante.

Respondeo D. Thomam non velte originalem justitiam secundum se totam fuisse in hujusmodi subjectione radicata; sed quia rectitudo justitiae originalis plura complectitur, scilicet subjectionem corporis ad animam, appetitus sensitivus ad rationem, & rationis ad Deum, ipsum intendere, calem esse ordinem inter ista, ut subiectio mentis ad Deum sit radix ceterorū art: quasi diceret, quod inter ea quæ complectitur justitia originalis, primum, & radix aliorum, est subiectio mentis ad Deum, quæ est per gratiam, ut idem S. Doctor i. p. quest. 95. art. 1. his verbis declarat: Erat rectitudo (in primo homine) secundum hoc quod ratio subdebatur Deo, rationi vero inferiores vires, & anima corpus; prima autem subiectio erat causa & secunda & tercia.

75. Obijcives secundo: Idem Angelicus Doctor in 2. dist. 20. qu. 2. art. 3. in corp. docet quod duplex justitia primo homini fuit collata; una originalis, quæ era secundum debitum ordinem corporis sub anima inferiorum virium sub potentia superiori, & superioris sub Deo; alia gratuita, quæ actus meritorios eliciebat: Sed hæc erat ipsa gratia sanctificans, quæ est radix seu principium meriti vitae æternæ, in ipsa, ut fructus in femine, contenta, juxta illud Apostoli ad Romanos 6. Gratia Dei vita eterna: Ergo secundum D. Thomam justitia originalis in Adamo erat habitus à gratia sanctificante diversus.

76. Respondeo, quod sicut licet gratia capitalis, & gratia habitualis in Christo, gratia habitualis & sacramentalis in nobis, non distinguuntur realiter, sed sunt unicus simplex habitus; vocantur tamen duas gratias, ob diversos effectus quos presentant, vel diversa auxilia quæ connorant: ita similiter, et si justitia originalis, & gratia sanctificans, in Adamo essent idem habitus secundum item; quia tamen differebant secundum rationem, per ordinem ad diversos effectus quos connotabant, seu causabant, diversa sortiuntur nomina, & duplificis justitiae rationem & nomen obtinent: nam quatenus in Adamo hic habitus erat causa sanitatis, & principium mei, ita vita æterna, gratia sanctificans, & justitia gratuita dicitur; prout vero erat radix triplicis subjectionis, nempe corporis ad animam, appetitus inferioris ad superioris, & superioris ad Deum, aliorumq[ue] donorum & privilegiorum, quæ Deus A-

A dabo in sua creatione, pro ipso & filii peccati contulerat, justitia originalis appellatur.

Obijcives tertio: Non potest idem habitus per se primum respicere naturam & personam. Sed quia illa originalis per se primum respiciebat naturam, erat enim bona dispositio naturæ, ut à primo capite per generationem in omnes propaganda; gratia vero sanctificans per se primo respicit personam quam sanctificat, non vero naturam: Ergo sunt habitus omnino diversi.

Respondeo primo negando Majorem: nam hoc quod est respicere primariò naturam vel personam, non distinguit vel multiplicat habitus, cùm hoc proveniat ex extrinseca ordinatio ne Dei, & non ex ipsorum habituum naturarum de D. Thomas ii. 20. dist. 20. quest. 2. art. 3. in corp. ibidemque ad Annibaldum, ostendit quomodo sit distinctio omnino accidentaria, quod aliquis habitus, v. g. scientia, conferatur in di- C num naturæ, vel ut beneficium personale.

Respondeo secundò, datâ Majori, negando Minorem: nam in statu innocentiae non minus gratia quam justitia originalis inspiciebat naturam primariò sed quod utramq[ue] Deus Adam ut donum naturæ, pro ipso & omnibus posteris conceperat, sub conditione quod innocentia per se severaret: unde per generationem, & mediante semine ut instrumento, utramq[ue] simili cum natura ille transfiguratus in posteris, uicolligite ex S. Thoma qu. 4. de malo art. 1. ad 9. ubi dicitur quod ex peccato primi parentis definita est caro eius illa virtute, ut ex ea posset decidi semen, per quod originalis justitia in alios propagaretur.

Nec obstat quod i. p. q. 100. a. 1. ad. 2. id retrahere videatur: loquens enim de statu innocentiae, ait quod tunc gratia non sufficit transfigurare semini, sed si quis collata bonum statim cum habuerit animam rationalem, sicut etiam statim cum ipsis est dispositum, infunditur à Deo anima rationalis, qua tamen non est per traditio[n]e. Hoc, inquam, non obstant: his enim verbis (ut ibidem interpretatur Bannus) S. Doctor solum intendit docere, quod

D sicut anima rationalis dupliciter potest attingi per aliquam actionem, vel entitatib[us] & secundum substantiam, & hoc modo attingitur à solo Deo per creationem; vel quantum ad unionem cum corpore, & hoc modo attingitur etiam generante, medio semine secundum suam naturalem virtutem, quæ generans medio illo, & disponit materiam, & producit ipsam & eualeat unionem: ita gratia sanctificans, vel justitia originalis, poterat dupliciter attingi vel ut perficiebat anima absolute & secundum se; & hoc modo solus Dei erat effectus: vel quatenus eam perficiebat formaliter ut unitam corpori, ipsumq[ue] informans; & hoc modo attingeretur à generante in statu innocentiae, mediante semine, ratione virginis ei à Deo superadditi in ordine ad eam propagandam: quia generans non utcumque unitam corpori, sed ut habentem ipsam justitiam originalē, atq[ue] adeo proportionali modo quo communicaret proli animam, ratione unionis, communicaret etiam talem justitiam.

E Obijcives quartò: Si justitia originalis non est habitus distinctus à gratia sanctificante, sequeretur Adamo per penitentiam, & nobis per baptismum restitui originalē justitiam; cum Adamus per penitentiam recuperaverit gratiam quam per peccatum amiserat, eaque sacramentum baptismi pueru conferatur: Sed hoc dicinequit: Ergo nec illud.

B Respondeo ex D. Thoma in 2. dist. 32. qu. 1. A planare cupitibus. Attamen, quia illius cognitio ad ea, quæ de felicitate statu innocentia diximus, perfectè intelligenda prorsus necessaria est, disputationem istam præcedenti subnecimus, in qua, quæ de paradisi terrestris natura, situ, magnitudine & amoenitate à SS. Patribus, & Doctoribus Scholasticis communiter dicci solent breviter colligemus. & quis, quantus, & qualis locus fuerit, in qua mundi parte conditus, & an adhuc perseveret in terra, eā, quæ poterimus, perspicuitate exponemus.

ARTICULUS I.

Anparadisus sit aliquis locus corporeus in aliqua determinata mundi parte con-

ditus, & in qua?

§. I.

Referuntur sententia, & verior, seu probabilior eligitur.

C Philo libro de opificio mundi, & Origenes in libris super Genesim, negant paradisum esse locum aliquem corporeum & terrestrem, & totam paradisi historiam à Moysè c. 2. Genesios conscriptam, non litteraliter, sed figuratè, & allegorice accipi debere contendunt: unde Origenes paradisum ponit non in terra, sed in tertio celo, ad quod raptus est Paulus; per arbores paradisi virtutes Angelicas interpretatur; per flumina vero, aquas, quæ supra firmamentum sunt. Item l. 4. ait: *Quis vero ita idota inventatur, ut pater velut hominem quandam agricolam, Deum plantasse arbores in paradyso, &c.* Similia docere videtur Ambrosius in lib. quem de paradyso edidit, & epist. 42. quæ est ad Sabinum, ubi recentis aliorum Scriptorum varijs opinionibus, ut similius vero concludit, paradysem non fuisse locum terrestrem, sed quidam spirituale & intelligibile, quod ad mentem & spiritum Adami oblectandum, & quodammodo in hac vita beatandum, pertinebat. Augustinus etiam in l. de hæresibus c. 59. Seleucianos & Hermianos refert negasse visibilem paradysem, & in eodem errore fuisse Franciscum Georgium refert Sixtus Senens. l. 3. Biblio. annot. 106. Alij deniq; quos refert Hugo de S. Victore annot. in Genesim c. 2. docent paradysem, quem describit Moyses, non fuisse definitam aliquam regionem, aut certum quempiam terræ locum; sed nomine paradysem denotari universam terram, quæ in primæ conditione ac statu suo ob eximiam bonitatem, amoenitatem, & fecunditatem erat tota quasi hortus quidam amoenissimus, & tanquam paradysem; quemadmodum Genes. 13. Sodoma & Gomorra fuisse dicuntur quasi paradysem Dei. Pro declaratione vera & Catholica sententia,

D Dico primò paradysem, quem describit Moyses, locum fuisse visibilem & corporeum, non vero pure intelligibilem & spiritualem. Probatur primò: nam ut rectè discutit S. Th. i. p. qu. 102. art. 1. quæ de paradyso in Scriptura dicuntur, per modum narrationis historicæ propounderunt: Sed in his, quæ Scriptura sic tradit, est pro fundamento tenenda veritas historiz, alias nihil est in Scriptura certum. Ergo ita est accipienda narratio Genesis de paradyso, non vero ad sensus pure mysticos & allegoricos pertrahenda. Unde Hieronymus Danielis 10. Philonen & Origenem pungit, & in illis allegoricos paradysem.

DISPUTATIO II.

De paradyso terrestri.

V Sque adeò breviter & involute de paradyso terrestri scriptit Moyses, ut ejus veram & propriam sententiam assequi, huiusque mirabilis loci naturam & qualitates penitus nosse, visum sit omnibus difficillimum. Unde Ambrosius de paradyso scribere ingressus, ita exorsus est: *De paradyso adoriendus seruorum mediocrem agnum nobis videtur incutere, quidnam si paradysem, ubi sit, qualis sit, investigare & ex-*